



## Universitätsbibliothek Paderborn

**Symbola Trinitatis, Id Est Trinitatis diversarum rerum, ex  
Veteris ac Novi Testamenti Scripturis, Historijs &  
exemplis; nec non congruentioribus rerum naturalium  
similitudinibus conscripta ...**

**Duplan, Theodore**

**Ruraemundae, 1663**

Svbddivisio Tertia Ex profanis Historijs & Exemplis.

**urn:nbn:de:hbz:466:1-12221**

## SUBDIVISIO TERTIA

Trinitas diversorum, ex profanis historijs & exemplis collecta.

## PRÆNOTATIO.

**G**regorius Emiss. homil. de pasch. fabulis, inquit, solent documenta declarari. Ne autem Zoilos è fortè apud (ut vocant) Homero-mastyges traducamur, dum Divina & spiritualia historijs profanis, & similitudinibus vilioribus illustramus, quod carpere videtur. Seneca dnm ait: vitiosum est in re sericâ delicatum inferre sermonem; nec non Humbertus lib. 2. p. 3. c. 5. hisce fere verbis: non decet, cum de divinis loquimur, ut vilibus exemplis utamur: hoc namque malum ex radice illâ malâ procederet, quando qui spiritualiter non intendit, Divina & sacra abiecit ac ruditer conciperet, & abiecte concipiendo, sua sensa vilter depromeret. Ad hoc igitur evitandum (ut verbis a Cassiano mutuatis utar coll. 14. c. 9.) profunda & abscondita Trinitatis mysteria purissimo cordis oculo contemplabimur, & ita timoratè in sequentibus attingemus, ut dignitati & reverentiæ debitæ in cunctis consulamus.

MVL

B b 2

SYM.

## SYMBOLUM 1.

Tres stellæ in capite arietis , quæ sunt symbolum literæ D. quæ significat Deum. Pierius lib. 47. cap. 30.

**S**igniferi [a] princeps aries duxque agminis audis,

Inde tuus martis nomina mensis habet.  
Cornigerâ quod nempè geris tria sidera fronte

Signa tibi primum jure dedere locum.

Interea signis tacitos urgentibus annos.

Ad Triadem properat [b] concita vita gradu.

(a) Aries est primum signum in Zodiaco. (b) quot dies vi. & hinc in praesenti peragimus, qui si in itinere ad locum propositum eos possibiles appropinquamus. Ait noster Pincharius Vest. Nupt. lib. 1. cap. 2. ex S. Greg.

## SYMBOLUM 2.

Astrologi signa inter cœlestia constituunt tria sibi conjuncta,  
scilicet leonem, Virginem, libram, non obscuram SSS. Trinitatis imaginem.

**S**unt tria signifero cœlestia signa sub arcu ,  
Ordine nexa sibi juncta situque loci.

Addita tergeminis sunt nota vocabula signis .

Quæ referant Trini symbola clausa Dei.

Est Genitor virtute leo ; de Virgine Natum

Virgo refert : libræ pondera, Pneuma notet .

SYM.

(162)

### S Y M B O L U M 3.

Tria P. seu Tres Patriæ patres,  
Princeps, Pastor, Praeceptor.

**E**st Genitor Princeps æquis qui legibus orbem  
Temperat, est cæli, principiū nquæ soli.  
Filius ad cæli ducendas pascua, Pastor  
Quas mercatus erat sanguine pascet oves.  
Spiritus illabens nostris sua lumina fundit  
Mentibus, ut Doctor quæ facienda docet.

### S Y M B O L U M 4.

Tres scutum Rectoris,

Corporum, animarum, bonorum fortunæ.

**C**orpora mox reddenda solo, subiectaque morbis,  
Qui machaoniâ prævalet arte, regit.  
Pars nostri melior vigili Pastore beatur,  
Jus habet in fluxas Induperator opes.  
Esse Pater dat corporeis; animisque medetur  
Filius; & cumulat Flamen, utrumque bonis.

N. Multoties vocatur Christus in scripturis Pastor, immo Pastorum Princeps 1. Pet. 5. quia vigilansimum Pastorem egit quali oves errantes in humeros tollendo, & ad ovile suum reducendo. Ideoque etiam hac specie

sepiissime depictus cernitur.

### S Y M B O L U M 5.

Tria PPP. Caroli Quinti,

*Id est, Praeceptor, Pastor, Praetor.*

**U**rbibus imperij Rector ter maximus orbis,  
P. tria lustrandis querere suctus erat.

Ecc.

Ecquis prima rudem doceat præcepta juventam,

Quis Præses verbi, Justitiæque pater.

Cuncta Pater [a] paſcit, Gnato qui munia defert

[b] Judicis, & verum Spiritus omne [c] docet.

(a) Matt. 6. & Luc. 12. (b) Joan. 5. (c) Joan. 16.

### S Y M B O L U M 6.

*Trismegistus seu ter maximus.*

[a] **S**is Tri-megiste procul, mentito nomine gaudes,  
Maximus es mystes, maximus atque sophus.  
Maximus ac Regum titulis, ter maximus audis,  
Dissidet a factis gloria tanta tuis.

Vendicet hec trinum tria maxima nomina Numen,

Es minimus, sed ter maxima, sola Trias.

(a) Trismegistus fuit Mercurius ille in Ægypto nepos majoris Mercurij, quem fabulantur  
fuisse filium Nili. Est autem idem, quod, ter maximus. Scilicet Philosophus, Sacerdos,  
Rex maximus. Hic primus a physicis ad Divinorum speculationem dicitur se erexit, &  
de Majestate Dei, a demonum ordine & animarum mutationibus sapientissime primus dis-  
putasse.

N. Cato dicebatur ter optimus ut refert Plin. lib. 7. c. 27. scil. optimus orator, optimus senator, optimus imperator.

Item Carolus magnus dicebatur ter maximus, Videl. eruditio, pietate  
laude bellicâ. Eginhar. in ejus vitâ.

Item Abel, primus & ter maximus tribus est dotibus: sacerdotio, martyrio,  
Virginitate. Geneb. lib. 1. Anno mundi 130.

### S Y M B O L U M 7.

*Triangulus, Trigonos, seu Triquetrum.*

**E**ffigies Monadis Triadisque resulget in arte,  
Mensuræ & numeri quoq; documenta tenet.

An-

Angulus est unus porrectus acumine trino ,

Una figura patet, forma trigona placet.

Angelos tres cerne pires, unam aspice formam :

In Triade est paritas, est Monas atque Trias.

S Y M B . 8. de eodem.

I N numeras. Triadis singat mens nostra figuras ,

I Angulus effigies vera trigonus adest.

Una figura placet, trino sed acumine dispar ,

Personas referens angulis iste triplex.

Indivisi h̄erent, spatiū discriminat impar ;

In Triade est paritas, disparitasq̄e simul.

S Y M B O L U M 9,

*Triarij apud Romanos.*

A Ccipe digestam Romanis legibus olim

Belli aciem, Triadis signa dedisse putes.

Velite constabat prior ordo, Tirone secundus,

Tertia pars palmæ spem Veterana dabat.

Sola Trias meritò dicenda Triaria, sola

Subsidio supereft, sola coronat opus.

N. Triarij, erant milites fortissimi, qui in legione Romana ultimi erant. Hi, si quandoque res fuisset in periculo, in fronte acierum poplitibus flexis stabant, ita ut potius animam amitterent, quam de loco decederent. Unde ortum est illud proverbium cum res sunt dubiae aut periculosæ, ad triarios ventum est; alij erant principes & tirones; primi hastati seu Velitarij.

S Y M B O L U M 10.

*Tripolis, portus & civitas maris.*

M Ens humana poli procul exul ab urbe vagaris ,

Quid mundi immundâ figis in urbe pedem?

In-

In cælis Tripolis, statio fidissima mentis,

Facta tibi sedes fixa, beata Trias.

Despice terrenas urbes, hunc suspice portum;

Huc disiderij dirige vela tui.

N. 1. Tripolis, est civitas trigemina, quoniam Tyrij, Sidonij, & Aradij. Iam obtinent. Hinc Tripolitana regio dicta est. Sunt autem duæ hoc nomine, Africana scilicet, & Syriaca in Phœnicio. Oppida Tripolis Africana sunt Abrotonum, Tophia, & Leptis magna. Pomponius mel. lib. 1, in descript. Phœniciaz. N. 2. Tripontium, Est oppidum Uinbriæ, sic dictum quod tres pontes habeat.

### SYMBOLUM 11.

*Tripondium seu Trilibre.*

**A**ugustæ Triadis (a) Scriptor ter maximus, inquit,

Est mihi pondus amor, quò feror, hocce feror.

Ignea nata animis vis est amor, attamen ecce

(b) Ad terrena meum cor, meus urget amor.

Corda leva sursum Trias hocce tripondio amoris,

Ad peritura caro pronior ipsa ruit.

(a) S. Aug. Epist. 9. (b) Talis quisquæ nostrum est, qualis est ejus dilectio. Terram diligis, terra eris: Deum diligis, Deus eris. ait S. Aug. tract. 2. in epist. 1. Joan. Charitatem quasi trinitatem creatam patris: in qua trinitate, quasi Pater est dilectio Dei, e qua procedit dilectio, qua se homo diligit, tamquam proles à parente: ab utrèque verò dilectio proximi procedit, quasi spiritus S. ab utrèque. Istæ dilectiones sunt in una substantia charitatis, sed diversæ in propria persona. Ita Innoc. III. in Encomio Char. post comment. 7. Psal. Penit.

### SYMBOLUM 12.

*Triclinium.*

**H**Ospitium quām vile mihi, quām pauper & æger!

Re: angusta domi, terrea massa domus.

Quām

Quām dives tu Diva Trias, quām Augusta! precant*i*

Affer opem, fer opes; omnia nempē potes.

Tres animæ dotes, vacuata triclinia cernis,

Sospes ero & dives, dum tuus hōspes ero.

N. Triclinium erat discubitorum, in quo cœnabant olim, a tribus lectis,  
quos in eo sternebant, nomen habet. Iuven. sat. 5.

### SYMBOLUM 13.

*Triumviri penes Romanos.*

**U**Nde trium censes regimen manasse virorum?

Imperium Triadis forma regentis erat.

Est Thesaurorum, Capitumquè his summa potestas,

Frenandis noctis motibus alter adest.

Est Pater, est Natus, Flamenque Triumvir, habenas

Tres simul immensas, urbis & orbis, habet.

N. Triumviri Triplices fuere. Alij capitales qui carcerum curam habebant  
& cum animadverti oporteret, eorum interventu siebat. Alij mensarij, qui  
numularijs seu omnis generis monetae prægerant. Alij nocturni, qui incendijs  
& incommodis nocturnis ad vigilabant. Ita Pomponius, Livius, & Cornelius  
us Tacitus habent.

### SYMBOLUM 14.

*Tripus Apollinis.*

**E** Tripodos gens cæca adytis oracula poscit,

Ista Tripus Triados noscitur esse typus.

Est eversa tripus, cessere oracula Phœbi;

Obtinuit Tripodos jam Trias ipsa vices.

Hinc sacra veridici manant oracula Phœbi;

Ceu Tripus hunc orbem sustinet alma Trias.

N. Tripodes erant mensæ, quæ tribus pedibus sustinebantur, quibus in  
templo Apollinis superpositæ Phœbades vaticinabantur, teste Servio.

## SYMBOLUM 15.

Tres Deæ de formæ elegantia certantes: *Iuno*, *Pallas*, *Venus*.

**T**'Er geminas singunt Paridis subiisse puellas  
Judicium; formæ lis erat una tribus.

Divitiae *Juno*, *Pallas* sapientia, palmam

Præripuit formæ deliciosa *Venus*.

Aspice divisas in trinâ Virgine dotes:

At simul unitas continet una Trias,

## SYMBOLUM 16.

Tres Parcæ penes Poëtas.

*Clotho*, *Lachesis*, *Atropos*.

**T**Res homini Vates olim finxere puellas  
Insidiatrices texere cuiquè manus.

Parcite mortales experti dicere parcas,

Non homini didicit parcere parca trias.

Verius Alma Trias dicenda est parcere vitæ,

Hæc etenim (a) vitam texit; at illa necem.

(a) Deut. 30. Eccl. 34. Dans sanitatem & vitam 2. Tim. 1. Destruxit quidem mortis  
illuminavit autem vitam. & ideo S. Aug. trac. 47. in Joan. vita carnis tua est anima  
tua. Vita anime tue Deus est.

## SYMBOLUM 17.

Tres Charites penes eosdem,

*Aglaia*, *Thalia*, *Euphrosyne*.

**T**Res Charites priscis memorantur jure Poëtis,

Quis veræ Triadis signa fuisse neget?

Vox

Vox Charis & Graijs , quę gratia dicta Latinis,  
Munificæ Triadis munera grata notat.

Effluit oceano Triadis quæ copia rerum ?

Quēis nequeat (a) grates reddere nemo pares.

[a] *Trium charium, quas finixerunt graci, due aspiciebant se invicem tertia erat averso vultu, ut docerent, qui beneficii accipiunt, se ea aeterna memoria debere intueri : qui vero largiuntur, numquam ea amplius in memoriam debere revocare.*

### S Y M B O L U M 18.

*Trifaux cerberus*

**Q**UAM variâ Triadem testatur imagine cælum;  
Omnia cum cœlo dant elementa fidem.

Quin etiam lethæa palus furibunda fatetur ,  
Quam Trias iniijciat frena tremenda cani.

Tergeminio excubitor sorbere paratus hiatu ,  
Tergeminâ , tamquam fuste domatur, ope.

N. Fingitur cerberus triceps propter tres ætates, infantiam, Juventutem,  
& senectutem, per quas homo ad mortem detrahitur.

### S Y M B O L U M 19.

*Tricorpor Geryon.*

**I**URA dabat rector quondam gentilis Iberis,  
Qui Geryon dictus, mole tricorpor erat.

Herculea stratus monstri sub imagine clavâ ,  
Ter geminum pectus Spiritus unus agit.

Dixero figmentum ; quod sit substantia Ternis  
Unica personis fingere crede nefas.

N. Geryon nomen Regis Hispani, qui ob triplex regnum corpore tripli-  
cato fuit constitisse, quem Hercules interfecit, ejusque boves abstulit.  
Præfuit autem tribus insulis, quæ adiacent Hispaniæ, Balearicæ majori &  
minori & Ebusæ. Et ideo etiam triceps fuisse fertur.

*SYM-*

## SYMBOLUM 20.

*Nota de Gorgonibus. Gorgones, tres sorores habentes unum oculum, qui a fingebarunt quod erant unius formæ & pulchritudinis, quæ tanta erat, vel tam terribiles facie, ut alij dicunt, ut spectatores redderent immobiles vel mortuos: & ideo fingebarunt eos convertere in lapides. Nomina Gorgonum erant Euryale, Sterno, & Medusa. Ab agilitate nomen habent.*

## SYMBOLUM 21.

*Augustus Imperator teste Suetonio cibi & potis parcissimus, ter solitus bibere super cænam, quam ternis ferculis parabat.*

**P**Acis olivifer, Augusto regnante, Monarcha  
Nascitur, & toto funditur orbe salus.

Augustum hunc ævi, viteque cupidine longæ,

Tres Calices memorant, tresque parasse Dapes.

Longævam Triadis sub imagine disce diætam,

(a) Fercula cælicolas trina parata cibant.

(a) In scutella Dei tria continentur fercula: claritas perspicuitatis, quæ fulgebit ut sol; integritas puritatis, quæ erit ut Angeli; firmitas aeternitatis, quæ erit ut Deus. Bern, in sententia

N. Finixerunt Poëæ cibos quosdam Deorum, ut nectar, ambrosiam, moly &c. qui eos facerent latos, beatos & immortales: sed occasionem fabulationis videntur sumptuose ex arbore vita Gen. 2.

## SYMBOLUM 22.

Tria F. F. F. in ænigmate Diphili,

*Id est, tria Fortia quorum unum alterum, illudq; tertium superat, scilicet Ferrum, Faber, Febris.*

**V**ulcano ferrum, multo mollescit & iectu,  
Ceditur ac cedit ferrea massa Fabro.

Dira

(170)

Dura Fabri duros Febris depascitur artus,

Et vixtrix plusquam ferrea sternit humi.

In Deitate magis Personas suspice : dices

His tribus in summo robur inesse gradu.

S Y M B O L U M 23.

Tria V. quæ cauenda. A tribus abstineniūm iuxta Anachar-  
sis Philosophi sententiam; scilicet: Verbis, Veneri, Ventre.

**T**Res metuas hostes, Linguam, cum Cypride, Venere,  
Est totidem frenis hæc superanda trias.

Quæ venit in venas, Venerem (a) jejunia frangant  
Gratus eris, Ventris sobrietate, Deo.

Indomitam frenent servata silentia Linguam,

Laxatam in Triadis quam decet esse decus.

[a] Triplex est jejunium Ecclesia: quatuor temporum, vigiliarum, quadragesimale:  
quia sicut sub ternario peccamus videlicet in Patri per impotentiam, in Filio per insipientiam, &  
spiritum sanctum per malitiam; corde, ore, opere, contra legem naturam, Scripturam, gratiam,  
originaliter, venialiter & mortaliter: & ista sunt serpens, mulier, vir, id est, concupiscentia suggestrix,  
sensualitas delectans, comedens &c. ratio consentiens. Itaque quoque sub ternario contrahemus. Sic pie & docte noster P. Pincharius ornatissima anima  
lib. 1. c. 8.

S Y M B O L U M 24.

Tres aves uno telo transfixæ a Godef. Bullionio Duce.

**S**Trennuus, augurio Triadis, Bullonius, arces

Dum longâ Solymas obsidione premit,

Tres memorant uno fixisse per æra telo,

Quas modò Dux gestat stirpe perennis, aves.

Christigenis tales animos (a) Heroibus, oro,

Suffice pro verâ Religione, Trias.

[a] Ioannes Austriacus invictus Turcarum victor, in suis signis militaribus Crucem cum  
hac tesseræ gerebat: In hoc signo vici Turcos, in hoc signo vincam hereticos. Genebr. lib.  
Chronol. in fine.

SYM

(171)

S Y M B O L U M 25.

*Tres coronæ, urbis Agrippinæ insignia.*

**M**illia quot recolis ter Sancta Colonia Divum,  
Sunt totidem capitidebita ferta tuo.  
Cur non tergeminis rutilent tua signa coronis?

(a) Euphratam Triados pellis ab urbe reum.

An quia dum numerus complectitur omnia ternus,  
Regibus a ternis Trina corona datur?

(4) Euphrata scelerissima perver sitatis Doctor, Ariani dogmatis Zizania tritico sanæ doctrinæ Colonia et alibi superseminat, unde factum est mira omnipotentis Dei dispensatione, ut Colonia expelleretur, atque e numero Pastorum exterminaretur, & S. Severinus successor existet. Ita in vita S. Severini.

S Y M B O L U M 26.

*Tres proles, quas ex punitione quadam Dei, fæmina parit.*

**A**ppellando suem dum sperneret una, quod uno  
Quatuor enixu pignora foite dedit.  
Icona sic Triadis nimis imprudente lacepsit

Ore, ter ultrices elicitura manus.

Tres meritò partu proles enititur uno:  
Mira cave Trini spernere facta Dei.

S Y M B O L U M 27.

*Tria ad quæ Socrates hortabatur juvenes teste Max. serm. 41.*

*Prudentia animi, continentia linguae, verecundia vultus.*

**Q**uantum vernanti decus est Prudentia pubi?  
Rideat O! omnis flore juventa pari.

Nec minor est juveni Linguae Moderatio virtus,

Norma Pythagoricæ gloria magna scholæ.

Purpuret ora Pudor, mentis quæ gratia major?

Nobilior Triadi non datur ulla trias.

SYM-

## SYMBOLUM 28.

*Tribus hisce paruisse, numquam te pœnitentia, ut Sapientis monitum est, scil. verum dicenti, bonum consulenti, gallo gallinaceo te e somno excitanti.*

**D**A faciles, verbis Vero conformibus, aures,  
Consilijs morem, sunt ubi recta, geras.

Alitis excutiat vigilantia prima teporem;

Ecce trias moniti: ne vereare sequi.

(a) Consilij dator est Genitor melioris, & author

(b) Est Verbum veri, (c) Spiritus ales erit.

(a) Deus Pater Daniel. 7. describitur, & ad ejus descriptionis imitationem depingitur, velut antiquus dierum (forte ob ordinem originis) in antiquis autem est Sapientia, & in multo tempore prudentia. Job. 12. (b) Dominus dedit mihi linguam eruditam Isa. 50. Quod de Christo vel Sapientia Dei explicat S. Greg. Unde Judai de Christo dicebant: numquam sic lecatus est homo. Et Apostoli: Domine quo ibimus? verba vita eterna habes. (c) Quia Spiritus apparuit in specie alitis scil. columba, quæ ordinariè depingitur; qua liberationem & liberatorem in salutari baptismatis diluvio Matt. 3. & gratiam Patris per Christum orbi oblatam demonstravit; sicut in diluvio ramum oliva ferens, communem orbis tranquillitatem annuntiavit. Ex Corn. Jans. Conc. Evang. cap 14. Et hic S. Spiritus discurrit, festinat, suscitat amicos suos ne dent somnum oculis suis proverb. 6. Vide etiam Bern. serm. 2, in Pent. de triplici bono, quod anima justæ donat Spiritus S.

N. Possent hic addi plures aliæ trinitates ex historijs & exemplis v. g. tria pessima Cappa seu tres gentes pessimæ a Cappa incipientes; puta Cretenses, Cilices, Cappadoces. Tria A, quæ sunt nervi bellorum, de quibus Ovid. lib. 1. Metam. videlicet aurum, arma, animus. Tria potentia M. v. g. mas, mars, mors. Tres Reges ab Antichristo superandi scil. Rex Aegypti, Rex Africæ, Rex Aethiopiarum. Tria millia virorum mandibulae usque a Sampfone, 1000. interfectis, superata. Tria lilia insigne

in signi Regis Franciae circa tempora (ut aliqui narrant) Caroli Ludovici, Balbi Filij primam usurpatam. Tria nomina, quae Scytopoli, dum Dux illustris auream crucem fabricari curaret, divinitus absque opera & scitu aurifabri, insculpta in cruce scil. Emmanuēl, Michaēl, Gabrieł: ita ut summum locum teneret Emmanuēl; inferiorem instar brachiorum, Michaēl & Gabrieł, ut habet Grets. lib. 2. de Cruce cap. 13. Tres item Cruces, quas Hilarion in littore maris pinxit; quibus in summam altitudinem mare intumescens fecit stare & ne regredieretur, prohibuit, ut refert S. Hier. Tres characteres sacramentales. & talia sine numero plura. Nec inficior alia etiam magis accommodata proposito nostro inveniri posse. Quocirca non inviderem ei, cui per studium & otium melius, quam mihi, vacaret, qui nostrum scopum promoveret, opellam erugaret, seu latius extenderet.

